

Uunga siunnersuut:**Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat**

(Atuartitsinerup imaa, aaqqissugaanera, piareersarneqarnera, atuartut amerlassusaat, ikiuinermi atassuteqarfissaq aamma atuarfimmik aqutsisutut ilinniartitaaneq pillugu malittarisassat allanngortinneri)

§ 1

Atuarfik pillugu Inatsisartut inatsisaanni nr. 15, 3. december 2012-imeersumi, Inatsisartut inatsisaatigut nr. 21, 13. november 2017-imi allanngortinneqartumi, tulliuuttut allannguutigittinneqassapput:

1. § 6 imatut oqaasertalerneqassaaq:

" § 6. Klassimi ataatsimi atuartut amerlassusiisa ukiup atuarfiusup aallartinnerani 26-t qaangissanngilaat, taamaattorli takuuk imm. 2.

Imm. 2. Atuartut ilikkartinnissaat atugarissaarnerallu eqqarsaatigisassat pingaarutillit tamatumunnga pissutissaqartitsippata klassimi atuartut amerlassusiisa amerlanerpaaffissaasa ikilisinneqarnissaat pillugu malittarisassanik Naalakkersuisut aalajangersaasinnaapput."

2. § 10, imm. 1, nr. 2, § 11, imm. 2, nr. 2, § 12, imm. 1, nr. 2 aamma § 13, imm. 1, nr. 2 ima allanneqassaaq:

"2) kulturimik inuiaqatigiinnillu sammisaqarnermut ilaapput inuiaqatigiilerineq, oqaluttuarisaaneq kiisalu upperisalerineq isumalioqqissaarnerlu,"

3. § 10, imm. 1, nr. 5 ima oqaasertalerneqassaaq:

"5) mernguernartulerinerup iluaniippat atuartitsissutit illumi suliaassanik ilinniarneq, timersorneq tassani ilaallutik silami sammisaqartarneq, nipilersorneq tassani ilaallutik erinarsorneq, aalaneq aamma isiginnaartitsineq, eqqumiitsuliorneq tassanilu ilaallutik illuliortaaseq aamma assassorluni suliat ilusilersuinerlu, tassani ilaallutik sananeq aamma assassorneq."

4. § 10, imm. 3 imatut oqaasertalerneqassaaq:

" *Imm. 3.* Atuartitsissutini ataasiakkaani aamma atuartitsissutini qanitariissuni tamani qarasaasialerineq, tassani ilaallutik teknologiip paasineqarnera, digitalip perorsarsimaneq aamma digitalimi pissusilersorneq atuartitsinerup ilaatut atuartitsinermilu atortutut ilaatinneqassaaq."

5. § 10-mi imm. 3-p kingorna nutaatut ilanngunneqassaaq:

” *Imm. 4.* Mernguernartulerinerup iluani atuartitsinermi ilanngunneqarsinnaapput kulturimut aamma inooqatigiinnermut tunngasumik ingerlatat.”

Imm. 4-7 taamaasilluni tassaalissapput imm. 5-8.

6. § 11, imm. 2, nr. 5 ima oqaasertalerneqassaaq:

”5) suliaqarluni nipilersuutilerinermi ilaapput eqqumiitsuliorneq, timersorneq kiisalu nipilersornermi aamma assassornermi ilusilersuinermilu suliaasaqarfiit assigiinngitsut aqputigalugit ingerlatsinerit.”

7. § 12, imm. 1, nr. 5 ima oqaasertalerneqassaaq:

”5) mernguernartulerinermi ilaapput atuartitsissutit eqqumiitsuliorneq, timersorneq, assassorluni suliaassat ilusilersuinerlu, illumi suliaassanik ilinniarneq aamma nipilersorneq.”

8. § 12 imm. 2-p kingorna nutaatut ilanngunneqassaaq:

” *Imm. 3.* Atuartitsineq atuartitsissutini pikkorissarnertut aqqissuunneqassaaq imaluunniit assassortarissani suliaassani sananeq aamma assassorneq aamma nipilersornermi suliaassani erinarsornermi, aalanermi aamma isiginnaartitsinermi akuleriissillugit ingerlatsinertut. Sumiiffimmi periarfissat mernguernartulerinermut tunngasut atuartitsissutini pikkorissarnertut ilanngunneqarsinnaapput.”

Imm. 3 matuma kingorna tassaalerpoq imm. 4.

9. § 13, imm. 1, nr. 5 ima oqaasertalerneqassaaq:

”5) mernguernartulerinermut ilaapput atuartitsissutit timersorneq aamma illumi suliaassanik ilinniarneq.”

10. § 13, imm. 2-p kingorna nutaatut ilanngunneqassaaq:

” *Imm. 3* Atuartitsissutini qinigassatut eqqumiitsuliornerup, assassornerup ilusilersuinerullu, nipilersornerup teknologiimik paasinninnerup iluani sammisassat neqeroorutigineqarsinnaapput. Sumiiffimmi periarfissat mernguernartulerinermi atuartitsissutit qinigassatut neqeroorutigineqarsinnaapput.”

Imm. 3 matuma kingorna tassaalerpoq imm. 4.

11. § 14, imm. 2-mi oqaaseqatigiit siulliit imatut oqaasertalerneqarput:

”Naalakkersuisut § 10, imm. 1, nr. 1-3-mi atuartitsissutinut eqqaaneqartunut, aamma § 10, imm. 1, nr. 4 aamma 5-imi atuartitsissutinut eqqaaneqartunut ilikkagassatut pilersaarutininik nassiussissapput.”

12. Kapitali 7-imi qulequtaq imatut oqaasertalerneqassaaq:

”Ilinniartitsisut sulisullu allat”

13. § 35, imm. 4-mi, “§ 10, imm. 7” ”§ 10, imm. 8"-mut allanngortinneqassaaq.

14. § 35-mi imm. 4-p kingorna nutaatut ilanngunneqassaaq:

" *Imm. 5.* Inuit ikiuinermi atassuteqarfissamik isumaginnittut, tak. § 38, imm. 1, nr. 5, isumaginninnermi siunnersortitut, perorsaasutut, ilinniartitsisutut, peqqissaasutut ilinniarsimassapput imaluunniit suliamik isumaginninnissamut inuup piukkunnaateqalersitsisumik ilinniartitaanikkut imaluunniit piginnaasaqarnikkut assingusunik tunuliaqutaqassallutik."

Imm. 5 tamatuma kingorna imm. 6-inngussaaq.

15. § 38, imm. 1-imi, nr. 4-p kingorna normutut nutaatut ilanngunneqassaaq:

"5) atuarfinni tamani ikiuinermi atassuteqarfissamik pilersitsineq ingerlatsinerlu, atuarnermut toqqaannartumik attuumassuteqanngitsut ajornartorsiutit pillugit suliatiqut inulerinermilu piginnaasaqartumut inummut atuartoq saaffiginnissinnaalluni."

Nr. 5-6 taamaasillutik tassaalissapput nr. 6-7.

16. § 43, imm. 2, nr. 3, oqaaseqatigiit siulliit, “§ 10, imm. 7” ”§ 10, imm. 8"-mut allanngortinneqassaaq.

17. § 43, imm. 3 imatut oqaasertalerneqassaaq:

" *Imm. 3.* § 10, imm. 1-imi atuartitsissutini aamma atuartitsissutini qanitariissuni eqqaaneqartuni atuarfiit ilikkagassatut pilersaarutaannut ilassutit atuarfiit siulersuisuinit ataasiakkaanit siunnersuutaasut tunngavigalugit kommunalbestyrelsimit akuerineqassapput, tak. § 47, imm. 9."

18. § 47, imm. 3-mi nr. 4 atorunnaarsinneqarpoq.

Nr. 5-12 taamaasillutik nr. 4-11-nngussapput.

19. § 47, imm. 9 imatut oqaasertalerneqassaaq:

" *Imm. 9.* Atuarfimmi siulersuisut § 10, imm. 1-imi ilikkagassani aamma ilikkagassat iluanni atuartitsissutissanut atuarfiup ilikkagassanut pilersaarutaanut ilassutissanik kommunalbestyrelsimut siunnersuusiorsinnaapput."

20. § 48, imm. 1 imatut oqaasertalerneqassaaq:

"Atuarfinni tamani pisortamik atorfinitsitsisoqassaaq taannalu atuarfimmi allaffissornikkut perorsaanikkullu sulinermi aqutsisuussaaq aammalu atuarfiup ingerlatsinera pillugu atuarfiup siulersuisuinut kommunalbestyrelsimullu akisussaasuulluni."

21. § 48-p kingorna ilanngunneqassaaq:

" § 48 a. Atuarfiup pisortaatus suliaasaq isumagisinnajumallugu pineqartoq atuarfimmi ilinniartitsisutut ilinniarnermik imaluunniit Naalakkersuisunit akuerineqartumik ilinniarnermik allamik naammassisaqarsimassaaq aamma kommunalbestyrelsit isumasioreerlugit Naalakkersuisunit aalajangersarneqartut malittarisassat naapertorlugit atuarfiup pisortaatus ilinniartitaanermik naammassisaqarsimassalluni, taamaattorli tak. imm. 2 aamma 3.

Imm. 2. Atuarfiup pisortaata piffissap atorfiniffiusup kingorna kingusinnerpaamik ukiut pingasut qaangiutsinnagit atuarfiup pisortaatus ilinniartitaanermi atuarfiup pisortaata naammassisaqarnissaa piumasaralugu atuarfiup pisortaatus ilinniartitaanermik naammassisaqarsimanngitsumik atuarfiup pisortassaanik kommunalbestyrelsi atorfinitsitsisinnaavoq. Pisuni aalajangersimasumi, pissutsit immikkut ittut tamatumunnga pissutissaqartitsippata, atuarfiup pisortaatus ilinniartitaanerup naammassineqarsimanissaanut piffissaliussap ukiumik ataatsimik sivitsorneqarsinnaanera Naalakkersuisut akuerisinnaavaat.

Imm. 3. Kommunalborgstyrelsi atuarfinni mikinerusuni atuartunik 95-inik ikinnerusunik atuartoqartuni atuarfiup pisortaatus ilinniartitaanermik naammassisaqarsimanngitsumik atuarfiup pisortassaanik atorfinitsitsisinnaavoq, atuarfiup pisortaa

1) aqutsinikkut allanik piginnaasaqarpat, imaluunniit

2) Malittarisassat Naalakkersuisunit aalajangersarneqartut malillugit ingerlatanik qaffassarfiusunik ingerlataqarpat."

22. § 53, imm. 2-mi, "§ 10. Imm. 5", "§ 10, imm. 6"-imut allanngortinneqassaaq.

23. § 53, imm. 3-mi, "§ 10. Imm. 5 aamma 6", "§ 10, imm. 6 aamma 7"-imut allanngortinneqassaaq.

24. § 53, imm. 5-imi, "§ 10, imm. 5, aamma 6", "§ 10, imm. 6 aamma 7"-imut allanngortinneqassaaq.

§ 2

Inatsisartut inatsisaanni § 1, nr. 1, 12, 14, 15 aamma 20, ullormi 1. januar 2022 atuutilissapput.

Imm. 2. Inatsisartut inatsisaanni § 1, nr. 2-11, 13, 16-19 aamma 22-24, ullormi 1. august 2023 atuutilissapput.

Imm. 3. Atuarfimmi pisortatus ilinniartitaaneq pillugu Inatsisartut inatsisaanni § 1, nr. 21, ullormi 1. januar 2023 atuutilissaaq, atuarfimmilu atuarfiup pisortaatus ullormi 1. januar 2023 atorfinitsinneqartunut atuutissanani.

Namminersorlutik Oqartussat, ulloq xx. xx 2021

Naalakkersuisut Siulittaasuat